

中華郵政總局特准掛號認爲新聞紙類
中華民國十四年五月十六日出版

京北公報

第 一 百 九 十 六 期

星 期 六

△命令▽
隨時執政令
本公署令

委任令

▲准段長任慶熙辭職暨委任各員職務令

訓令

▲訓令各縣遵照令發在押人須知一書實施訓誨文

▲訓令各縣遵照本署規定巡捕街道規則轉令實行文(附規則)

▲訓令各縣據報採辦女蠶桑傳習所令仿辦文(附簡章)

▲訓令各縣據報人面稟各縣陋規仰即澈查革除文(附原函)

▲訓令各縣據報依法執行槍斃人犯按月造具送署文(附表)

▲訓令各縣遵照所令各節切實改進文

▲訓令十九縣據報房山縣呈送天足會施行細則仰查照文(附細則)

▲訓令各縣據報密查員報永清警察腐敗仰查禁改進文(附條款)

法規

▲京兆自治籌備處辦事細則

▲自治籌備處處務會議規則

公牘

呈

▲呈內務部請縣警佐兼錫九政績卓著擬請優予獎勵文(附簡摺)

批示

▲批吳玉安呈請回復原狀依法決定文

▲批正華呈為張壽山騙銀照請發公判斷文

函

▲致北京佛教籌賑會函

▲復世界紅十字會已令飭各縣遵照函

傳示

▲傳示商同文等呈請禁止修築通縣凉水河以免貽害

雜錄

演講紀錄

▲京兆尹公署地方行政會議第五次衛生講演紀錄

專件

▲視學侯光陸視查通縣報告書

▲京兆小新村辦事處辦事規則暨職員表

條陳

▲張靜漪改進教育條陳(續)

△ 命 令 ▽
臨時執政令

任命石瑛爲國立武昌大學校長此令 四月三十日

任命錢錫寶爲蒙藏院副總裁此令 五月一日

特派趙爾巽爲臨時參政院議長湯漪爲副議長此令 五月一日

任命光雲錦爲臨時參政院秘書長此令 五月一日

軍人入黨流弊滋多各國皆著爲厲禁民國成立亦經迭頒明令禁止迺聞軍界各員仍有入黨之事殊非恪守軍職之道茲特重申嚴令嗣後在軍人員務各恪遵迭令一以保國衛民爲天職不得再行列名黨籍倘有不遵一經查出在職者立予罷免授官者開去軍籍用肅戎行以杜隱患此令 五月一日

督辦安徽軍務善後事宜鄭士琦未到任以前所有該省軍政事務著仍責成省長王揖唐妥爲辦理此令

五月一日

調任莫德惠爲農商次長代理部務此令 五月一日

督辦陝西軍務善後事宜兼省長劉鎮華迭次懇辭本兼各職劉鎮華准免本兼職此令 五月一日

特任吳新田督辦陝西軍務善後事宜此令 五月一日

特任劉治洲爲陝西省長此令 五月一日

特派孔繁錦爲陝甘邊防督辦此令 五月一日

命 令

二

安徽省長王揖唐呈請開去本兼各職以避賢路等語該省長整理庶政卓著勳勤節餉裁兵尤多規畫前據懇請辭職業准予開去督辦軍務俾專責任現在地方民政諸賴刷新仍著勉任省長本職勤求治理以慰囑望毋得固辭此令 五月二日

本公署令

委任令

▲准段長任慶熙辭職暨委任各員職務令

京兆國道局門頭溝路磨石口段段長任慶熙因親病呈請辭職應即照准遺缺委陳存佑充任此令

五月四日
第一五九號

委任陳存佑為京兆國道局門頭溝路磨石口段段長此令

五月四日
第一六〇號

委任京兆模範小學校校長曹殿林兼充京兆第一幼稚園園長此令

五月五日
第一六一號

訓 令

▲訓令各縣遵照令發在押人須知一書實施訓誨文

四月二十三日
第一八三號

為訓令事。案查本公署制定京兆各縣看守所管理及教誨章程曾經頒發施行在案。茲特編訂看守所押人須知一書。藉作前項章程第二項第一款訓誨之資。並應連同勸民歌認真講授實施訓誨。以資感化而期悔悟。除分行外。合亟檢發十本。令仰該知事遵照。督飭看守所認真辦理。並將遵辦情形具復。以憑查考。此令。

計發看守所在押人須知○本

▲訓令各縣遵照本署規定洒掃街道規則轉令實行文(附規則)

四月二十三日
第一一八六號

查公共衛生最關重要。京兆各地風氣閉塞。不但僻遠鄉村。污穢不堪。即各縣城鎮街巷。亦復難免泥濘污濁。亟應設法清潔。以重衛生。茲特由本公署規定城鎮商民洒掃街道規則八條。通行各縣。仰即由該知事轉行各警所。自奉到後一律實行。並將辦理情形。隨時具報查核。勿違切切此令。

附發城鎮商民洒掃街道規則

- (一)各城鎮住居商民均應注重清潔。不得沿街傾倒穢物。穢水妨礙公共衛生。
- (二)各城鎮商戶居民應將自己門前街道。每晨灑掃一次。比戶接連。不准間斷。
- (三)各城鎮警察應按日稽查各商民是否遵照前條規定辦理。並應擇定各該城鎮偏僻處所。俾商民堆積污穢糞土。俾知一律遵守。
- (四)各城鎮警察遇有商民奉行不力者。應切實警告。如再違犯。得呈明縣知事。或警察所。按照違警罰法。處罰其家長或鋪長。
- (五)各城鎮商戶居民如認指定處所。定有不便者。得報告警察。轉呈警察所。另擇適宜地點。
- (六)各城鎮警察所酌量地方情形。設置土筐及水桶。拉圾車等件。以便掃除污穢。並指定專人。隨時移赴第三條指定處所。傾倒。不得任其散溢。
- (七)本規則未盡事宜。得由警察所考察當地情形。呈明縣知事。隨時呈請修正。
- (八)本規則自公布日施行。

▲訓令各縣據懷柔縣呈辦女蠶桑傳習所令仿辦文(附章表)

四月二十三日
第一一九二號

爲訓令事。案據懷柔縣知事濮吳濤呈稱。呈爲擬辦女子蠶桑傳習所。擬具暫行章程。資請鑒核備案事。竊民生不易。女子應分担負。婦職亦多。蠶桑最爲便利。知事不才。幸隸仁枌。承乏懷邑。充數是慚。詳察生活程度之日高。寔緣家庭分利之人衆。若欲婦女職業以發達。仍須蠶桑教育爲適宜。用是承宣鈞座振興寔業之條教。爲謀婦女獨力生活之技能。設法籌辦。先於城中就縣署西院。略爲修葺。創立模範女子蠶桑傳習所。招集女生二十名。知事內人陳道芳爲所長。知事之女濮世華爲教員。教以國文算術圖畫習字手工等課。並在京兆女子蠶桑傳習所。選聘最優等畢業女生郁文華。教以養蠶製絲培桑理病等課。半年修業。一年畢業。已於四月初八日開課。各區紳董均到所。公同舉行開學典禮。該所門前隙地。仿照丁字三角式分植條桑百株。以備寔施練習。該桑地定名爲（懷柔縣女子蠶桑會社所有林）。該所布置。其中間爲陳列處。東間爲教室。西間爲蠶房。後五間爲宿舍。至所內一切經費。除陳道芳濮世華純盡義務外。其有開辦置備儀器。及教員郁文華並雇用女嫗等上學期薪工一切用費。約共需銀百元。概由知事悉數捐助。以示提倡而裕師資。至於下學期一切經費。預算約需洋六十元之譜。曾由縣議會暨勸學所公同議決。由地方開支。一俟畢業後。即分赴各區設立分所以期普及。所有職縣開辦女子蠶桑傳習所各情由。是否有當。理合繕具該所簡章連同課程表資呈查核備案。除陳報教育廳財政廳實業廳外。伏乞俯賜指遵。等情。據此。查該知事所擬辦法。極爲簡單。用款無多。收效較易。除指令准予備案外。合行抄錄簡章。仰各該縣知事斟酌地方情形。仿照辦理。以期蠶桑普及。本京兆尹有厚望焉。切切。此令。

附抄簡章一件 課程表一件

懷柔縣女子蠶桑傳習所章程

第一條 本所為提倡懷柔女子職業推廣蠶桑利益依照京兆女子蠶桑傳習所原案設立定名曰懷柔縣女子蠶桑傳習所

第二條 本所地址在縣署西院內

第三條 本所經費由地方經費項下開支

第四條 本所女生畢業由知事選定成績最優者派赴各區充當分所教員

第五條 各區保送之女生以二名為限每月膳費四元女生自備所有講義等費由本所供給學費概行免收

第六條 本所設所長一員管理一切事宜主要課教員一員普通課教員一員分任教授及延習事宜

第七條 本所一切事宜由知事監督之所有文牘庶務及書記概由民政科兼辦以節經費

第八條 招收女生以身家清白品行端正略能識字十四歲以上二十歲以內者為合格

第九條 凡收取之女生須由親屬送所填寫入學願書

第十條 女生入學後如遇有喜喪及其他事故者必須預為聲明請假或由該女生家長來校聲敘並非有重疾或特別事項者不得無故退學

第十一條 女生如有犯規者得酌量情節輕重分別訓戒記過或開除之

第十二條 本所每年伏假時招攷一班以二十名為限

第十三條 本所課程分主要普通定習等三課

(甲)主要課 培桑學 養蠶學 繅絲學
製種學 解剖學 蠶病病理學

(乙)定習課 培桑定習 養蠶定習 解剖定習 檢察定習
繅絲定習 製種定習 蠶病定習 製繭定習

訓 令

訓 令

(丙)普通課 國文算術 圖畫習字 手工 音樂唱歌

第十四條 以一年為畢業期分兩學期肄業

第十五條 管理一切規則另定之

第十六條 本章程自呈准公布之日施行如有未盡事宜得隨時修正之

懷柔縣蠶桑女學校課程表

科目	時間	八時至八時四十五分	九時至九時四十五分	十時至十時四十五分	十一時至十一時四十五分	十二時至十二時四十五分	十三時至十三時四十五分
月	養蠶 郁	算術 濶	培桑 郁	培桑 郁	國文 濶	習字 濶	病理 郁
火	製絲 郁	算術 濶	養蠶 郁	養蠶 郁	國文 濶	國文 濶	手工 濶
水	算術 濶	培桑 郁	養蠶 郁	製絲 郁	國文 濶	習字 濶	習字 濶
木	養蠶 郁	國文 濶	圖畫 濶	培桑 郁	病理 郁	習字 濶	習字 濶
金	養蠶 郁	算術 濶	習字 濶	製絲 郁	國文 濶	手工 濶	手工 濶
土	國文 濶	圖畫 濶	培桑 郁	音樂 濶	唱歌 濶		

▲訓令各縣據商人函稟各縣陋規仰即澈查革除文(附原函) 四月二十五日 第一二四六號

案據商人仰恩光函稟伊與順義縣商號因銀錢糾葛赴縣訴訟被新募法警承發吏勒索較前尤甚並查明仍係舊日衙役更充又云京東各縣改組皆以通縣郝知事半改組辦法為標準通縣舊役乘新知事入都時運動民政科長更名接充任姓向投呈人索費二十枚莊姓因騾馬案索銀五元請澈底改組各等語查舊日書差早經明定章程並嚴令各該知事切實改革何以通順兩縣仍有發生此項情弊致索詐之案乘間疊

出。如果屬實。殊堪痛恨。除分令該兩縣澈底查究嚴行禁革外。合亟照抄原函令仰該知事遵照認真查明一體革除。將辦理情形造冊呈報本公署備查。毋再徇隱干咎。切切此令。 附抄原函

尹憲先生鄉大人閣下敬稟者前閱大公報紙知順屬各縣欲將舊日衙役一律淘汰從新另募法警承發吏真乃法良意美從此將衙役勒索鄉民鄉民畏衙役如虎之慣習一掃而空願屬各縣之民無不有口皆碑恩光服賈北京四十餘載近與順義縣城內商號因銀錢往來涉訟該署新募之法警承發吏等勒索較前尤甚思之不勝詫異抑或仍如前山西人懦弱到處每每吃虧受人欺壓後向各方偵查始悉仍都是舊日衙役祇更名不更姓衣法警承發吏之衣仍辦衙役之事無怪乎變本加厲勒索較前有加無已又有人云京東八縣所有縣署改組新章皆以通縣為標準緣前任通縣知事卸任時將署中一切名目半改組何為半改組仍是舊役不改姓而改名也及至陳知事登甲下車伊始雖說將舊役滿裁澈底改組奈尚未知誰是舊役誰非舊役又值舊曆三月初六七日陳知事入都所有舊役皆運動民政石科長乘縣長入都之機仍令舊役皆再更名不更姓作為另募之法警承發吏至縣長回署亦未詳細調查以為石科長已歷二三任之久皆在署充當科長諒其可靠不料其腹藏也糊糊塗塗就改組矣孰意各縣皆仿而行之原擬裁舊役另募法警承發吏剔除積弊與民更始今不圖無益於民而且倍害於民是不澈底改組故耳若欲東八縣澈底改組非先將通縣澈底改組不為功現在通縣所有各縣都等陳知事入都所有舊役運動石科長辦理此次陳知事于月之舊歷十九日入都時有一舊役任姓仍收投呈費二十枚又有一舊役莊姓與一驢馬案勒索鈔票五元俟陳知事由京回通有人舉發被革以此二人作証此次所另募之法警承發吏非都是舊役而何按原擬招募法警承發吏詳章每名六元每縣二十名每月餉百二十元俯察近年來順屬各縣情形非早即澈又兼兵災民不聊生若再就地籌餉良非易易各縣原設有警察所何不令其多撥巡警二十名與縣署充當法警承發吏一則自能操練二則皆能識字三則不敢舞弊勒索鄉民四則自有底餉可以挹彼注茲五則公事自然熟習亦無舛錯真一舉而五善備焉獨聽之言望閣下兩納並望詳細偵察以備採擇是否有當伏乞施行飭順屬各縣從速另行澈底改組不勝惶恐待命之至特此敬請 鈞安伏維 垂察鄉愚民仰恩光謹稟

訓令

七

▲訓令各縣選派人員送由本署介紹防疫處傳習種痘文

四月二十九日
第一三二二號

查本署前次通令各縣施種牛痘一案。疊據各縣以西醫難得等情。先後呈復來署。查種痘手續。極為簡單。學習期間。至多三五日。即可施種。各縣如無西醫。或西醫人少。不敷分布各鄉村之施種者。可由各該縣選派人員。或商令縣境中醫藥商等人。無論何時。均可來署。由署介紹前往中央防疫處。傳習一切手續。以便回縣引種。此項知識。於家庭衛生。及服務社會。均有關係。選派人員。當無困難。且藥商中醫人等。傳習後。亦可藉以營業。除業經本公署。商准中央防疫處。允為照辦。並分行外。合亟令仰該知事遵照。設法倡導為要。切切。此令。

▲訓令第一工廠遵照所令各節切實改進文

四月二十八日
第一三二四號

案查該廠改組伊始。所有應行整頓事項。如職工之考查。藝徒之督勸。機器之整理。物料之保管。製品之精進。營業之發展。以及住室之清潔。廠院之掃除。公共衛生之講究。在在均須注意。不可掉以輕心。仰由該主任商承本署實業科科長督率。在廠各職工。切實整頓。積極進行。並籌添簡單工藝。以為地方之倡。一切辦法。統照普通商業辦理。萬勿稍帶官場習氣。是為至要。切切。此令。

▲訓令十九縣據房山縣呈送天足會施行細則仰查照文

(附細則)
四月三十日
第一三三三號

案據房山縣呈送擬訂天足會施行細則。請鑒核等情到署。查該縣所擬施行細則。分期辦理。於調查勸導。均極認真。尚屬妥洽可行。除指令准予備案外。合亟令發施行細則一份。仰即查照。以備參考。此令。

計發房山縣天足會施行細則一份。

第一條 本會以提倡天足禁止纏足爲宗旨

第二條 本會地址附設勸學所內

第三條 本會職員遵照修正各縣天足會簡章第四條及第五條之規定組織之

第四條 本會成立後各自治區分會均應一律成立

第五條 各區分會職員除正副會長由正副區董兼任外其他組織各村村長佐應負調查之責區內所屬各校董應負勸導講演之責

第六條 分會調查員及講演勸導員由各區董于所屬區內開具各村村長佐校長教董姓名冊呈請縣知事加狀委任以專責成

第七條 總會及分會各部職員均爲名譽職但爲辦公必要時得由總會會長酌撥公費

第八條 總會經費由會長設法妥籌或邀集紳商勸募之分會經費由自治區董妥慎募集但不得向各村中攤派會員中有認會費者聽

第九條 凡爲總會及分會職員會員者均有勸戒人民實行本會宗旨之責入會後其家屬如違犯禁止纏足條例者除依照條例科罰外並解除其會員資格

第十條 科罰纏足條例由總會會長招集各分會開全體大會另訂之

第十一條 本會及分會各會員有辦事異常出力及勸導特別收效者由會長呈請京兆尹署酌予獎勵

第十二條 本會進行政序分爲調查講演實行三期每期以兩月爲限

一 調查期 於此期內由總會造具調查事實表冊交各分會分行切實調查其限制凡年在十五以下之婦女已經足者或未纏足者依照表式確定填註不得隱飾遺漏俟調查完竣後由各分會彙調查表冊依限呈交總會以便稽核

二 勸導期 (即講演期) 由總會講演部編輯白話演說分布各區由各分會講演勸導員隨時講演切實規勸

三 實行期 於此期內凡經調查所有纏足婦女應一律解放如不即解放該婦女家長即以違犯天足條例呈由縣知事科罰之

第十三條 實行期內如有違犯纏足條例應受科罰者由本會呈請縣公署執行科罰本會不加干涉以清權限

第十四條 本會每月開會二次。請議會中進行事宜。至全縣總分之大會。由總會正會長臨時酌定召集之。

第十五條 本會于每期終召集各分會職員會議一次。致核經過之事。定及進行之手續。以規殿最。並由總會彙集事定表呈請尹公署備查。以資獎勵。

第十六條 本細則如有未盡事宜之處。得隨時修正之。

第十七條 本細則自呈請 尹公署核准後施行。

▲訓令各縣據密查報永清警察腐敗仰查禁改進文(附報告)

五月一日
第二三四六號

據密查員報告。調查永清縣巡警服裝不齊。棍打犯人。警察書記行為強迫。各等情。具報前來。除令行該縣切實查禁。外。合亟照抄原件。令仰該知事即便查照所列各款。嚴行查禁。勿稍疎忽。切切此令。

附發報告條款一件

- 一 據報永清縣巡警在街上往來。服裝不齊。歪帶軍帽。身著灰軍衣。黑絨大筆。不裹腿。任意吸食紙烟。亦有身著黑軍衣。或上黑下灰。極複雜。每日在家休息。如有要事。往各家去叫。街上並無一崗。學術兩科。一切無有等情。查巡警首以服裝整飭為要。該縣警察如此腐敗。尙何整頓可言。應即嚴加整飭。以重外表。
- 一 據報永清縣警察書記朱小亭。寫好保留警佐之狀。往各村迫打戳記等情。查該書記朱小亭此等行為。殊屬不知大體。仰即撤換。以示儆戒。
- 一 據報永清縣有帶犯人者。手持木棍。亂打犯人。又縣署門崗見民人帶有髮辮。不知勸剪。為何拉住髮辮。往內就走。人民因痛苦。巡警豪橫。連打帶罵等情。查警察對待人民。應以和平為主旨。令其剪髮亦應先告明理由。乃竟如此蠻橫。殊屬非是。應即速行改革。並妥擬正當辦法。以除積弊。

△ 法 規 ▽

▲京兆自治籌備處辦事細則 五月七日公佈

第一條 本細則係參照京兆尹公署辦公規則擬定本處職員須一律遵守
第二條 本處分左列各股分掌本處主管事項

(一) 審核股掌管事項如左

關於各縣辦理地方各級自治選舉規則呈請解釋事項

關於各級自治團體呈請解釋自治法令事項

關於縣住民請求解釋權利義務事項

關於計畫各縣辦理地方會計事項

關於審核各縣呈報地方預算決算事項

關於審核各縣地方使用納款領款聯單支付通知書及各種簿籍事項

關於籌劃各縣地方自治經費事項

關於調製地方款項調查表事項

關於稽核各縣征收自治稅規費及使用費事項

(二) 編輯股掌管事項如左

關於創擬自治計畫事項

關於編定自治規程事項

關於調製自治報告事項

關於編纂自治書報事項

關於編纂自治講義事項

(一) 調查股掌管事項如左

關於調查各縣自治經費事項

關於調查促進各縣自治事業事項

關於調查各縣人口戶籍及其登記事項

關於調查各縣自治區域事項

關於調查各縣自治職員成績優劣事項

關於奉委調查各縣自治爭議事項

(二) 文牘股掌管事項如左

關於收發文件事項

關於撰擬公牘事項

關於保管卷宗事項

關於各縣自治職員之任免獎懲事項

法 規

二二

關於其他不屬各股事項

第三條 前條各股遇有必要時得由參議指定互相助理

第四條 每日到文由文牘股摘由編號登簿隨時送參議核閱蓋章按照本細則第二條規定之權限交該管股分別辦理並將核擬辦法簽交文牘股擬稿其關係重要之件應先簽擬辦法由參議核呈處長批示後再行擬辦

第五條 凡緊要文件承辦人員應於本日送稿或簽註例行文件至遲須於次日內送稿但關於於編輯書報及有特別情形者不在此限

第六條 由各股簽明辦法交文牘股擬稿之文件原簽辦法各股之經辦人員暨主任應與文牘股擬稿人員及主任一併蓋章由文牘股摘由編號分登稿簿並登載稽文簿送參議核閱蓋章後呈判其應與京兆尹公署各科會核者並應將稿件擇由登會稿簿送請該科科長核閱蓋章

第七條 凡已判行稿件由參議暨該管股主任檢閱繕發

第八條 凡已印發之稿得由有關係各職員或擬辦人員傳觀即由管卷書記編號登簿歸檔保管其應行知會他處者須隨時辦理之

第九條 每星期一應填上週清理文件表一紙送參議核閱每屆月終應彙填本月清理文件表送呈處長核閱

第十條 凡檢查卷宗應由檢卷人員開具調卷證隨時調閱負責保管用畢仍交管卷人員歸檔

第十一條 本處於每星期六日開處務會議一次其規則另訂之

第十二條 本處設講到簿一本各職員須按辦公時間到處親自註到每日開始辦公及散值時間與京兆尹公署一律均以搖鈴爲標準

第十三條 全處之清潔設備考核領用公物及書記夫役服勤狀況應由參議指定股員負責處理監督之

第十四條 本細則如有未盡事宜得隨時修正之

第十五條 本細則呈請處長核准後施行

▲自治籌備處處務會議規則 五月七日公佈

第一條 本處依辦事細則第十二條之規定組織處務會議會商本處一切進行事宜

第二條 本會議分定期臨時二種定期會議于每星期六日舉行不定期由處長或參議於必要時召集之

第三條 開會時以參議爲主席遇參議缺席時由年長之主任代理

第四條 會議事件分左列三種

一 由處長交議者

一 由參議提議者

一 由各職員提議者

第五條 會議時由主席將應議事項依次提出後列席職員得自由發表意見但不得二人同時發言

第六條 議決方法以過半數爲斷可否同數時取決于主席

第七條 議決事件由速記員記錄分案編列呈由參議分別呈請處長核定交由主管人員辦理

第八條 本規則自公佈日施行

公 牘

呈

▲呈內務部派縣警佐焦錫九政績卓著擬請優予獎勵文 五月五日 第一一五號

為呈請事案據涿縣知事袁勳杰呈稱警佐焦錫九維持軍事悉合機宜保衛地方不遺餘力查禁烟賭裨益政令巡邏勤奮盡心職守在任成績卓著實為特出之選等情據此正擬核獎間復據該縣縣議會議長張心樓參事會參事丁震區董李岷商會會長王惠勸學所所長茅愷兩等學校校長王鍾蕃同濟善堂經理馮學彰閱報社經理王家槐等聯名臚陳該警佐在任政績民情愛戴懇請從優保獎等情到署查該警佐在任成績卓著京兆尹覆核無異並核該縣知事等所呈事實與警察獎章條例第一條第一第八第九各款相符擬請

鈞部准予超給二等二級警察獎章以昭激勸理合造具該警佐事實清摺及履歷表備文呈請

鑒核施行謹呈

內務總長

計附事實清摺一扣履歷表一紙

謹將涿縣警佐焦錫九任內成績開摺恭呈

鑒核

計開

一維持軍事悉合機宜也涿縣地當孔道歷駐重兵軍事繁興此去彼代迫索供應急於星火每當變亂圍境恐慌加以郡有留守之兵境來潰竄之衆兵匪易混宵小難稽保衛之方稍疏糜爛之患立見該警佐經驗素富膽識過人當其任差之初正值軍興之會頗能尊重職守不畏強禦違警必懲不論軍民其時兵差絡繹所有籌備一切飭令該警佐分任其事或奔走維持或親事徵集或婉乞減免或毅然拒絕始終不息保全實多所歷危難實爲知事所親見

一保衛地方不遺餘力也軍興伊始內則全城秩序外則鄉區治安均須兼顧並籌該警佐晝則巡行夜則登陣或集合而固示暇整或率隊而截堵遺兵應付悉合機宜商民莫不感頌國民第五師到涿後鄭師長查知該員守正不阿特昇以師部稽查官以資糾查上年十一月二十五日由知事轉據公民李峴等合詞呈請轉呈前京兆尹從優保獎以酬勞勩會奉指令先行傳令嘉獎在案

一查禁烟賭裨益政令也烟賭之害久著禁文知事每勗警察即以肅清烟賭爲首務該警佐稽查嚴密有聞必抄有抄必懲每於夜間親自訪查伺聽閭閻或稽查數十里之外或親捕十餘人之多成績昭著頽風頓息上年曾帶警士二人拘獲十餘名賭犯悉數送充軍事輸送而寓罰於役十三旅留守軍官販吸鴉片不服警士糾查該警佐親身縛送挽回風俗得力惟多

法 規

一七

一巡邏勤奮盡心職守也涿縣自近半年內僅發生崔莊崔姓盜案一起半壁店方姓劫案一起該警佐親赴各鄉查緝隨時報縣均經被獲每於深夜帶同警士巡察各鄉披騎步行巡視兩區往返百里全身裝械與士共苦故全郡警士僅數十名而稽查巡邏竟能收指臂靈活之效如平墊馬路修潔街衢以及倡設路燈等事均能督夫親自整理市政因以改觀

受獎人履歷表

附 記	姓名	焦錫九	官階	聯務	京兆涿縣警	年	歲	四	十	歲
	曾受何等級警察獎章	無	供職處所	察所警佐	現受何等級警察獎章	籍貫	奉天鐵嶺縣人	二	等	二

批 示

▲批吳玉安呈請回復原狀依法決定文

五月三日
第四七六號

前據該訴願人呈以訴願被駁聲明故障理由請准回復原狀依法決定等情到署當經批示照准在案茲經本公署詳加審理爰依訴願法第十四條以書面決定之除令行三河縣查照外合照同法第十五條之規定將前項決定送達該訴願人收執仰即知照此批

▲批正華呈為張壽山騙領礦照請秉公判斷文五月六日 第四八九號

呈暨抄件均悉查此案既據該商呈經實業廳批飭并令行房山縣知照在案仰即逕向該縣聲請依法裁判可也此批抄件存

函

▲致北京佛教籌賑會函四月二十九日

逕啟者案據宛平縣知事羅耀樞呈以災民祁才身冒洪濤措母逃難 貴會為提倡孝風起見捐給該民銀洋一百五十元為之典地十畝以資贍養等情具見 貴會同人慈悲為懷寔深感佩專此申謝敬頌 道綏

▲復世界紅卍字會已令飭各縣遵照函四月三十日

逕復者接准 貴會大函因分會繁多恐會員日衆有借用卍字會名義干涉地方政治情事用特聲明此後有此情形作為無效以免誤會等由到署除通令各屬查照外相應函復此致 世界紅卍字會中華總會

雜 錄

傳 示

▲傳示商同文等呈請禁止修築通縣凉水河以免貽害五月二日 第三號

查前據該民等呈稱通縣凉水河南岸區董李瑛等朦蔽原判影射修堤請飭縣禁止開工以保北岸八十餘

村生命財產一案業經本公署令據通縣知事查明覆稱第九區區董張連仕等此次修堤西自沈莊起東至倉頭村止並未加高培厚延長與北岸尚無大害亦非違背前判所有商同文等呈請禁止開工一節擬請毋庸置議等情到署此案既經該縣知事查明並無違背原判加高培厚延長等情事且與北岸無害該民等自應安度免滋訟累除指令外合行示仰知照此示

講 演 紀 錄

▲京兆尹公署地方行政會議第五次衛生講演紀錄 二月二十八日

主席 京兆尹

出席者 政務廳長陳際翔 協和醫院院長劉瑞恆 萬國衛生會委員蘭安生 本署全體職員 二十

縣知事

主席 書曰民爲邦本古人爲政以民爲重非特有以養其生尤貴無憾於其死反言之惟能無憾於其死而後足以養其生若於死道有憾則生不抵死縱教育實業任何整頓將無所附麗故爲之醫藥以療其疾病以免其夭死泰西行政衛生專列一部良有以也今日特請協和醫院院長劉瑞恆博士萬國衛生會會員蘭安生博士爲京兆指導衛生行政二博士不但學術經驗爲吾人所景仰而其品行道德尤爲吾人所欽佩二博士並擬到三河調查抽風病出來幫助我們京兆純由於義氣之發動非有何權利之可享也現請兩先生指教

蘭安生先生 兄弟本欲將衛生之道爲大家講演因說中國話不甚流暢第一恐詞不達意第二縱勉強達

意亦不能暢所欲言謹請劉博士將鄙人意見代為陳述之

劉瑞恆先生 講演材料蘭先生業已預備齊備祇以語言稍感困難謹代為傳達夫行政中所設法以保衛民生者約有種種(一)警察與保安隊所以保護其身家安全(二)教育與慈善事業所以誘掖其頭腦明晰(三)衛生與防疫流行所以調和其身體健康由是言之豈不是人盡不死何以講衛生者仍不能免死不知有可治之病有難救之症不過講衛生想法子幫助較勝一籌耳又曰講衛生則生不講衛生則死然則中國人不講衛生不將死亡殆盡乎何以中國人猶存耶不知人身有白血球可以殺菌身體壯者即有衛生之可能性有人解釋衛生或以氣味或以乾淨夫乾淨祇可謂為華美而氣味如殺菌油且有臭氣並無何等香味二者均非根本之談蓋由於中國醫道不能準諸科學或由經驗或拘臆斷以致以訛傳訛西醫不惟有理化推其原而且以試驗神其用試驗自鳥獸始如剖兔而知勞病之傳染解牛而知天花之可種諸如此類不勝枚舉雖然世人之病有可以知其來源者如跌打損傷是亦有莫名其妙者如癩瘰疽毒是除年老力衰機關頹壞無可如何外如腥紅熱腸熱等症非傳自寄生蟲即染於蚊蠅驅除蚊蠅則其病自免講衛生者不可不知也夫公共衛生近百年來始為外人所注重英美各國皆設有部專管此事每年需洋鉅萬而中國內務部雖設有衛生司警察廳設有衛生隊然因經費問題亦徒有其名而已又公共衛生如經商然雖是下本然每年死亡率減少即可得利所以外人辦理衛生立有比較表據外人調查表平均死亡人數中國千分之三十以至千分之五十印度千分之三十英倫僅千分之十五兩兩相衡其利害不待智者而後知也不但此也即因某病而死亦須調查詳數列表比較而後可以預防然此種行政辦起來不但需款而且需才際此人財兩困何以開辦不若縮小規模先立一衛生區擇要實行分爲三部(一)生命統計及傳染病管理部令各

區報其小兒與傳染病之死亡數及其年月日(一)立醫務部以便預防(二)衛生行政部有此三部即可以解決一切病症夫衛生行政固在於醫務部而其中最要者則為產婆如近來三河縣小兒患抽風病蓋由於無良產婆所致且教育極為緊要無教育即無知識無知識則多迷信如種痘必在春天小兒必過十月方能種痘外國藥皆不可用種種迷信因之而起

京兆尹已提倡教育先從平民入手是乃探本之舉再能於衛生行政加意整頓先立產婆傳習所由一部以及全部使將來調查表上亦比例於英人千分之十五的數或連一個不死亦未可知則四萬萬同胞將增至無量數皆薛京兆尹之賜也

主席 今日蘭劉二先生之演說使吾人得一良好之教訓即吾人之講究衛生不獨個人為然而公共衛生尤為在所注意而有地方之責者應如何時刻不忘為民籌畫使公共衛生日以進步今幸得蘭劉二先生之指導幫助鄙人謹代京兆二十縣人民感謝此次三河縣某村小孩突然發生傳染病死者甚眾此蓋不知公共衛生之法以為預防而致斷送多數小孩之生命本公署向來對於衛生行政不加注意四科之中無人專司衛生事務而此項人才亦復缺乏即各縣對於衛生行政亦復向不注意嗣後亟須改良整頓蘭先生本為萬國衛生會會員在中國多年對於中國衛生行政素願贊助改良且不獨在中國為然即在各國亦復如是蓋萬國衛生會之宗旨實欲改良萬國之衛生以為全世界人民造福也即如此次三河縣某處發生一種疾病死却多數小兒若以中國人眼光以為事不干己而蘭先生竟欲於三月八日親到三河由公署派員會同前往三河縣知事亦官同往考查該處小孩因病致死之原因改良產婆之學識但愚民無知易滋疑惑屆時

當親往勸說使不至發生誤會且此次三河發生此種疾病誠恐各縣亦復有之大家應各隨時注意行政之事重要者固為不少而公共衛生實屬尤關重要例如興教育辦實業使民智開而民財富然公共衛生不講百姓死亡日衆雖有凡百措施亦復何益故公共衛生實關係行政根本問題須得格外注意且我國百姓對於公共衛生素未十分注意故今欲使民注意之必先使官注意以為之倡當今我國人民之死亡計有千人中之三十將來改良公共衛生使成為千分之十五或千分之十以重民命譬如就教育而論世界各國人民之不識字者以中國為最衆大家皆知提倡教育以為補救今於公共衛生之事亦復如是必力加講求而後始能進步蘭先生為萬國衛生會會員對於公共衛生之措施素喜贊助今既在京為我輩幫忙則我輩宜如何負責整理使京兆全區百姓蒙福庶不負蘭先生提倡公共衛生之熱心也

專 件

▲視學侯光陸視察通縣報告書

學校教育狀況

縣立師範講習所 在縣城內通州衛樂王廟教室北房三間前後有窗光線空氣均好校具有風琴掛圖大珠算噐鈴理科儀器臨時由高小學校借用學生三十名是日出席者二十五名二年一級管理員張和繼初師畢業兼修身國文歷史國語習字等科主任教員劉毓璠均音樂教員杜家珍均師範畢業書記兼手工教員西寶善縣師範講習所畢業本日張管理員因公請假西書記監視習字學生臨摹碑帖均具一種專心態度劉教員授教育史五段長授法之根據逐次解釋頗清晰教態稍板殊少興趣學生靜肅大小構成續有作者惟宿室滿牆白字鋪蓋雜陳殊不雅觀急宜設法整頓以免養成不良習慣且檢閱學生作文雖多可觀然概係文體嗣後宜注意語體新課學生畢

業後應用經費支一千五百零九元由地產捐等項劃撥

縣立高級小學校

在新家胡同設備略合學生共八十三名一二年生各一級已改新制補習班一級前校長潘文翰已辭職新任校長孫葆

光未到校暫由王煥東代理教員杜錫貴京兆第三中學畢業盧志存直隸第一師範畢業周長華直隸第三師範畢業本日教員授一年

生小數乘法出席學生四十名解釋算理應極明確杜教員授二年生中華書局課本算術課本三冊練習七圓面積出席學生二十五名先

指示算理次令演算其得法惟學生演算多遲緩平素宜多令練習藉燃此弊周教員授補習班簿記學財政一覽表出席學生十二名隨講

隨舉例頗能令學生得確實之觀念至檢閱該校圖書儀器損壞甚多陳列亦多不整宜責令校長力加整理以保舊物而壯觀瞻

縣立模範小學校

在縣城內沙竹胡同教室北房三間校長由勸學所長兼任教員韓士傑縣師範講習所畢業學生五十名是日出席者四

十五名單級編制本日韓教員授一二年級生字三年級新學制國語五冊十六課天也寬四年級七冊十七課小鳥愚弄鯨兔對於習字

注意學生執筆並不時加以巡視授國語注意學生讀音並利用助手監視回講均合法惟習字缺範字授國語缺少語法均該教員宜改進

者

潞貞女子小學校

在縣城內大關廟教室北房三間學生四十一名是日出席者三十五名複式三組校長施為未在本校畢業暫代女教員

張文俊京兆女子師範職業班畢業本日張教員監視一年生練習字碼二年生默寫國語新學制常識一冊昨天下了一天雨三年級生讀

常識四冊十四課意是益虫教授如何未見查到該校時係下午二句鐘正在授課時間而竟作長時間之監視於課程進行殊多妨礙應由

該縣勸學所派員調查該女教員對於課程能否担任是否照章上課以定去留

乙種工業學校

在縣城內公園後身教室三間實習室三間宿舍六間學生複式兩級共二十三名一年級十五名二年級八名校長楊萬昌

京北工藝講習所畢業教員胡端重直隸高等工業學校畢業本日胡教員因事請假楊校長監視實習分組工作神丹牙粉洋漆印泥等物

出品有粉筆撲粉肥皂紅藍墨水等二十餘種所標價目亦極低廉其最能獲利者則莫如神丹一項曾經警察致驗發給允許執照果能精

益求精不難日見暢銷惟每日實習僅一小時未免太少宜酌為增加以期畢業後實用

乙種商業學校 先在縣城清涼巷刻因軍隊佔用遷至華嚴寺內教室西房三間校長教員室三間儲蓄室二間圖書室八十三冊陸鈔二十對大球第一學生十四名內有新生三名校長張真藻師範畢業兼修身國文珠算習字等科教員張宗琦師範講習所二年畢業本日張教員先授新生新教育地理教科書各一冊七課東三省鐵路次授二年生三冊地理七課函谷不及一點鐘而講授兩課未免太多所以於東三省鐵路語尾處主權擱失很多軍事上的關係更大兩句之具精神均不能發揮盡致至該校全年歲出約六百餘元而僅造就十四名學生於款項方面亦不經濟宜責令該校長設法添招學生藉宏造就

縣立第一初級小學校 在縣城西街正陽祠教室南房三間校具有時計小黑板計數器學生二十二名複式三組校長初學所長兼任教員張如海本縣師範講習所畢業本日授丙丁組國算先給魚於小黑板令學生摹倣向合乙組新學制常識五冊五課北京的名勝應用段令學生繪北京內外城形狀略圖亦可惟檢閱作文改筆錯字太多嗣後該教員宜格外注意

普育女子初級小學校 在縣城內四眼井南房三間為講室形長光暗不適用宜遷至北房學生四十名是日出席者三十六名內有男生十名複式三組校長閻錫女教員閻錫慈淑琴均富有高小學校畢業本日課畢教授如何未見惟學生態度沉靜而活潑回講國文亦多明瞭其平素管教認真亦可概見

縣立第三初級小學校 在縣城內文帝祠教室北房三間光稍暗校具有小黑板振鈴計數器大珠算校長勸學所長兼任學生三十六名是日出席者三十五名單級編制教員劉仁博師範講習所畢業本日授甲組國語七冊第九課模範村乙組五冊九課八八八預備指示並利用助手監視回講均合法惟上講台即將小黑板預備之提筆生字揭示丙丁組習字缺範字少監視均該教員宜改進者

縣立第五初級小學校 在縣城北關天后宮講室三間頂棚新糊極潔淨校具有計數器大珠算學生四十七名是日出席者四十二名分四組校長勸學所長兼任教員章興宇師範講習所畢業本日受甲乙組珠算多位乘法對於定位法指示精確學生演算亦純熟足徵該教員教授有方惟對於丙丁習字不加監視教授分量未免太平均

縣立第四初級小學校 在縣城北關元龜廟內新與後身遷至以北耳房二間為講室校長勸學所長兼任教員王文通師範

請查所畢業學生分組到校適放半學教授如何未見不過據檢查所得取斷言教員不素教授不善盡力師資因應用算術教員書
費未備故耳

縣 誌

二天

民立第一初級小學校在縣城東街北二條胡同校具略備缺區學生一百十二名分兩教室第一教室北房三間備通用學生五十六名
是日出席者五十四名分三組第一教室東房二間稍狹學生五十六名是日出席者四十六名分二組校長朱廷回教員王吉仲湖北
師範中學畢業謝宗周北京求書中學畢業朱錫武高小學校畢業檢定合格助理教員周錦北京師範畢業本日教員授第一教室四
年級孟子學性論流回講公孫丑問曰君子之不教子何也一章逐字逐句講清楚三年級新編文五冊十四課紙盒二年級五冊五課楊柳
教法雖舊而讀音講義異常切故學生獲益匪淺周教員監視第一教室學生回講各生均能侃侃而道其平素教授認真亦可概見作文
及大小楷均佳手工出品有陶器筆筒茶壺水盂等亦切實用查該校底款毫無耗賴臨時募集朱校長任職十餘年始終不懈其熱心毅力
實同教中之特出者宜由該縣查明呈請從優核獎以昭激勸

縣立第六初級小學校在東關官南書室北房三間光緒時校具有大珠算小黑板時計數器學生十四名內有女生二名分二組校長
由勸學所長兼任教員郭翔翰師範講習所畢業本日合授二組手工巡行指導尚盡心雖未若教做信封信箋較切實用至全校學生僅十
四名亦未免太少宜設法添招藉宏造就

八區寧河小學校在娘娘廟內北房三間為教室校具有小黑板時計振鈴學生三十八名因該廟廟會出席者十八名分四組校長曹德茲
辦學熱心教員傅文田師範講習所畢業本日甲乙二組復習國語抄丙組新學制常識四課兒童圖書節丁組常識一冊四課學生上課請
解甚清惟對於丙組新授未預備問答指示目的即分冊書是教法欠研究慮成精有十五歲學生趙振玉所書玄秘塔大楷甚佳

八區港莊小學校在七聖廟內北房四間為教室因去年大水頂棚破壞遷至西房二間狹窄不適用已囑將北房趕緊翻卸即遷
移以便教授學生十九名內有女生五名分四組校長金芝教員金樂師範講習所畢業因學生應用教科書未購到未正式上課當致開三
年生已講國文句讀何分不清這論講解其平素不認真教授極可想見宜由該縣嚴加申斥以為貽誤青年者戒

八區崗子窪小學校教室北房三間內牆剝落頂棚殘破頗不雅觀宜加以整理校具有振鈴時計小黑板學生二十五名是日出席者二

十二名分四組校長楊朝林教員沈文晦師範講習所畢業本日合授四組算術學生講演算術敏捷巡視訂正亦合法惟不能利用小黑板上課時在大黑板現出題未免曠廢時間且練習題少學生算術多枯坐均該教員宜改進者

內軍莊小學校 在白衣巷內西房二間為教室光暗學生二十五名是日出席者十七名分四組校長李珍教員周楠榮師範講習所畢業本日授國語講解尚可惟發言太快恐學生難於領悟費語太多恐擾學生之聽覺是該教員應宜注意者又四組同時講授分配亦有未當者若兩組講授兩組習字為安

大柳村小學校 在羅漢廟內講室西房三間光暗頂棚破宜被粉校具有振鈴時計大珠算小黑板學生四十名是日出席者三十名分四組校長孔昭叙教員齊斌師範講習所畢業本日合授四組算術能利用小黑板先練習題次文字題尚合法惟巡視學生有算不對者未加指正是其疏忽處

七區舖頭村小學校 在關帝廟內西房三間為教室光稍暗校具有小黑板振鈴大珠算學生二十七名是日出席者二十二名分四組校長王劉教員段恩人檢定合格本日授丙丁兩組國語甲乙兩組習字授國語預備問答指示目的指示難字均合法惟對於甲乙習字不知巡視是其疎忽檢閱作文有以今天功課次序記命題者尚知注意應用方面

七區胡家堡小學校 在關帝廟內教室西房三間學生三十七名是日出席者三十一名複式三組校長江鳳池教員張珍檢定合格本日合授三組算術學生多能演算惟試題四減六問學生云六減四該若干未免疏忽且每一算題教員均在黑板批演算未將冷學生板橫相互訂正為宜且檢閱作文概用文體嗣後宜注意講體藉利用命題如馮獲選門不入伯夷太公等亦不合程度宜注重實用方面始以信札記平等類命題

七區次渠村小學校 在寶光寺講室北房三間桌椅位多殘缺宜加修理校具有時計小黑板大算珠振鈴學生五十名是日出席者三十三名分四組校長劉文元教員王輔師範講習所畢業本日授甲乙兩組國語講解深究內容亦得丙丁兩組習字頗知其視惟學生答對有正不確者不加改正是其缺點

五區縣子營小學校 教室北房三間校具有振鈴時計小黑板學生二十九名是日出席者二十五名分四組校長李香庭教員張玉璣師範講習所畢業本日合授四組算術練習文字各題課前在小黑板預備臨時指示是見盡心其教態活潑是該教員之長但浮躁之中須再求穩重學生演算遲緩隨時加以訓誡固屬可佳惟以發字呼之未免不雅均該員急宜改正者

馬駒橋模範小學校 在觀音堂講室西房三間尚潔淨校具有時計振鈴掛圖風琴大珠算小黑板學生三十七名是日出席者三十三名分四組校長李萬福出外就事一切校務由區董張繼金兼任頗具熱誠教員江涵師範講習所畢業本日授甲乙組國文仍用單級課本與新章不合甲十冊七冊電乙七冊三十三課讀書之益預備指示教授均合法惟教態稍板對丙丁組習字令學生隨意臨摹碑帖缺範字少巡視均其缺點校風靜肅並備有甲乙組儲金儲備金一覽表由學生公舉管理員管理月修由教員檢查令學生購置應用等物實亦善成儲蓄性之一法

馬駒橋北門口小學校 在清真寺內北房三間為教室校具有振鈴時計小黑板學生二十二名分四組校長馬振福教員何得海師範講習所畢業本日授丙組國語時辰鐘用時計指點取直觀教授頗合法惟到堂未加陳述即請寫本課生字現在指正四字於黑板甚屬無謂丁組國語一冊十二課授看字筆順橫誤為點甲乙習字不加巡視均該教員嗣後應注意者

五區壯丁屯小學校 講室西房三間光稍暗學生四十九名男女合校分四組校長李萬福出外就事李鴻康暫代教員徐聯趾京兆師範講習所畢業本日合授四組注音符母甲乙以文書辨字母丙丁以字母注漢字學生運用極純熟其平素認真亦可概見且灑掃注水均定有詳悉作文語體兼有教員改筆亦佳

五區海戶屯小學校 在吉祥庵內教室北房三間前面裝有玻璃光線甚好教員室一間亦清潔校具有時計振鈴大珠算風琴學生四十四名本日出席者四十二分四組校長李恩際校董崔鳳怡均具熱心教員李國基別合格本日授甲乙兩組尺讀作法勸友人注意清潔多數學生均敏達明白丙丁組自然研究丙二冊三十課房屋上為什麼要用磚瓦丁一冊三十一課房屋上面為什麼要上油漆教員用談話式學生頗易領悟且指讀指講時稍有錯誤學生互相訂正亦見精神校風靜肅作文成績優良

查該校校長李恩際雖未晤面而學校外觀內容均有可觀平日盡心校務概可想見校董崔鳳怡一德願望從旁贊助之力甚多均應由縣查明呈請核獎以昭激勸

五區鄭家莊小學校 在興隆寺內東房三間為教室光稍暗院內操場欠平校具有時計掛圖大珠算風琴學生五十三名內有女生分四組校長邱章教員李英堃師範講習所畢業本日授四組操法轉法多錯亂步伐欠整齊且立正看齊姿式多有不合嗣後該教員應對於示範及矯正姿式兩方面格外注意

十一區八各莊小學校 在關帝廟內西房二間為教室校具振鈴大珠算小黑板缺急宜添購學生二十二名是日出席者二十名分三組校長張世名教員張貴重檢定各條到後保星期日未上課致置乙組學生王詒五冊國文五課揚柳張濟名三冊三課剪髮大致均能回講惟對於難字虛字多涉含混至改問乙組生算術雖白數內簡單減法式題皆不能演算其平日不按時教授算術概可想見宜責令該教員按照課程表速日上課以免貽誤青年

第二區高初兩級小學校 在西集鎮北湖設沛火線高級教室北房三間備通用初級教室北房二間稍狹窄高級複式編制二年生十六名二年生十一名已改新制外有補習生六名初級學生四十七名複式三級校長郭葆衷前清舉人舊學頗有根底兼任修身國文等科檢閱作文改筆甚佳惟以後應注意語體並應側重實用方面命題如信札等類高級教員張普年京兆師範畢業初級教員韓殿甲京兆師範講習科二年畢業本日張教員 授高級算術先解釋算題之意義次令演算巡視注意低能兒童決不流於形式韓教員新授乙組春季始業國文五冊二十三課墨講解尚清惟未預備問答即指示目的欠合對於丙丁習字缺範字學生委式有不合者巡視時不加矯正均其缺點

▲京兆小新村辦公處辦事規則暨職員表

第一條 小新村辦公處辦公程序依本規則之規定

第二條 除星期日暨例假外每日上午八時至十二時下午二時至六時為辦公時間

第三條 小新村辦公處對外行文於監督機關之京兆尹公署用呈文平民機關之村議會用行公函所屬機關里長辦公處用通知村民用

公告

第四條 小新村應辦事項如左

(一) 法令規定事項

(二) 村民聲請事項

編 錄

續 錄

(三) 全 村 自 治 事 項

第五條 小新村辦公處應辦事項由兩村董分別擔任但對外應共同負責以小新村辦公處名義行之

第六條 小新村辦公處有指揮里長辦公處裏辦本村一切事務之權對於本村所設置之各機關有督促進行之責

第七條 小新村辦公處應設收發文件簿戶籍登記簿本村大事登記簿暨各項自治事項統計表

第八條 小新村辦公處應設服務年戶週計表所辦事項每星期分填週表每月彙填月表每年彙填年表及月表應於月終及年終呈報京兆尹備案

第九條 小新村發布文告均應留卷備查並存公文簿簿遇有經手公款事項將收支細數公布週知收支單據一併存卷

第十條 小新村辦公處以前文號數先後發單但遇重大或緊急事項得隨時變通辦理之

第十一條 本規則未盡事宜得隨時增改之

京兆小新村職員一覽表

職務	姓名	年 歲	籍 貫	就職年月	住 址	備 考
村 董	安會掄	三十六	京兆安次	十四年四月	仁義里三十號	
村 董	張公壽	三十七	全 前	全 前	仁義里一號	
里 長	張茂丞	五十二	京兆寶坻	全 前	仁義里二號	

京 兆 公 報

副里長	里長	副里長	牌長	牌長	牌長	牌長	牌長	牌長	牌長	牌長	牌長	牌長
鍾子彬	高關齋	李緝庭	李仲彬	邢潤泉	信益三	李慎芝	李俊亭	劉俊卿	沈仲康	楊俊清	沈松笙	楊蔭棠
四十六	五十三	四十一	四十五	二十八	四十九	五十八	五十	四十九	四十二	四十四	二十	二十七
京兆宛平	京兆大興	京兆大興	全前	浙江紹興	直隸涇水	京兆大興	京兆宛平	京兆大興	京兆大興	京兆大興	浙江紹興	浙江姚江
全	全	全	全	全	全	全	全	全	全	全	全	全
前	前	前	前	前	前	前	前	前	前	前	前	前
仁義里 二十一號	忠恕里 三十七號	忠恕里 四號	全前	忠恕里 五號	忠恕里 三十五號	仁義里 三十五號	仁義里 十三號	仁義里 二十八號	仁義里 十七號	仁義里 十六號	仁義里 十一號	仁義里 六號

雜錄

育則其兒童必不能得良好教誨此種家庭不但不能助兒童進步反爲學校教育之阻礙例如兒童在學校教師教以勤潔而家庭父母不管兒童勤惰及清潔與否則學校教育均歸失敗此僅就其一端言之餘可類推由此觀之受教育之女子其職務非獨準備爲小學之教師亦當訓練主持家務之能力京兆女子中等學校只有通縣女師聚各縣之優秀分子教育本德爲各縣之領袖其目的在訓練師資人負家庭教育之責者然其課程則與男師範無異縫紉烹飪等關於女子特別需要者均視爲附帶科目其偏重書本知識不注意女子之需要於此可知且聞該校教職員云學生課外不活動無自動組織共同合作之精神受此種教育之女子除書本知識外一無所能且學生均住宿與家庭接觸之機會少不能由家庭得日用生活所需要之知識學校又不能借學生之需要將來畢業後因知識能力之不足在小學不能爲良好之教師在家庭亦不能料理家務其危險孰甚日本及我國南方女子學校均甚注重日常生活之知識技能江蘇第二第三女師範飲食一切由學生自行料理分組合作一切事務如記帳烹調等均由學生執行訓練主任及校長加以指導而已此種辦法使學校生活與家庭生活接近學生亦可學習各種生活技能似可採取蓋京兆女生升學者少服務者多生活知識技能尤當注重近來普通社會對於教育不信仰於女子教育尤多懷疑因女子學校多不能造就社會所需要之人才鄉間女子在家受父母之教育勤儉耐苦等德性均已養成一旦送入學校則以爲讀書之外均非己責一切勞力之事如洗衣服縫衣服掃除烹飪等均備僕之職而非女學生之所應作故人學校之女子雖知識稍進而原來之良習慣如耐勞勤儉等均漸破除離學校後進家庭每以家庭不如學校安樂爲憾而不知所以改良之道社會本切望女子受教育後有助於家庭社會而學校所造成乃此

等之女子社會對於女子教育乃造就少數特別階級無用之女子甚至有謂女子受教育不知不覺教育者因社會對於女子教育生錯誤之觀念而鄉村女子受教育之機會減少此亦吾京兆女子教育急宜改良之一原因也愚謂女子教育以訓練學生勤儉耐勞健康明達靈敏爲最重要灌輸知識特其次要目的耳女子於上課學習各種科目外當令知操勞照料自己之事務教職之後成爲習慣入家庭能理家務教子女在學校當教師亦不感職務繁多之苦此種人才爲社會所需亦教育者所宜造就者也師範教育是職業教育造就小學校教師及服務家庭者不能爲升學之準備吾京兆女子中等學校僅有女師範一校是京兆女子只有學師範之機會而無預備升學及學習其他職業之機會釋業之範圍既狹個性之發展亦難且女子中等學校少學生不能預備升學則京兆女界專門人才及領袖人物乏專門人才領袖人物欲女子教育發達社會改良則難矣故望增設女子中等學校以爲造就專門人才之準備若因經費困難或社會不重女子教育入中學者少則擴充女師範開中學班使女子多求學之機會則吾京兆女界幸甚

七擴充經費 以京兆財政之困難及教育在行政中所佔之地位教育經費能維持現狀已屬難得遑言擴充雖然經費爲百業之本不得不竭力呼籲以冀有擴充之一日我公重視教育將來必能設法增加教育之經費此吾教育界之所切望者也區區管見謹臚備擇伏希垂察

張曄濟謹呈